

BI LOREAK.

(LARRETA-AZELAINGO JOAKIN-I)

Lore polit bat, libre jaioa,
 Arkitzen zan bart gel ederrean,
 Ta gau-erdia ia zalarik
 Milla kandelen argi tartean;
 Denak esanaz:—¿zér primorea!—
 Begiratutzen ziotenean.

Lorecho arren laguna zana
 Kanpoan zegon ordu berean,
 Bere kandela illargia zan
 Perlaz janzirik bakardadean,
 Eta gorderik an..., ostopean,
 Chori kabi bat aldamenean.

Eguna dator: lenbizikoa
 Muker-mukerra degu topatu,
 Ta bigarrena ¿zéñen gozoro
 Chori chikiak duten esnatu!

.
 ¿Zér esan nai du kontuchu onek?
 ¿Ez dezu oraindik, Joakin, asmatu?

ANTONIO ARZÁC.

